

lucinos, *laxa!* *Betula alba*, super stratum sphagni, subterraneo gelu refrigeratum in *fruticosam* vertitur, et eadem analogia *Salix majalis* biorgyalis ad ripas fluminum, solo lapidoso, sphagno frigido et polytricho gelido consito fit *arbuscula*: *Salix aurita*, alias arborescens (in sylvis Vestro-bottniæ), β . *paludosa* in paludibus Lapponiæ fit subrepens, germinibus foliisque glabris. Pari modo Salices omnes in paludibus serpunt. Quæ *Pini sylvestris* his locis facies? Misera, pumila, tortuosa, ut Svecis cognomine ignominioso *Gårtall* appelletur. Tanta est vis paludum vegetationem reprimendi, ut omnia fere vegetabilia serpent humi, subterraneoque torpescant gelu. Atqui hic tamen *Rubus* ille *chamemorus*, floribus niveis elegans, fructuque sapidissima gratus viatori: hic *Andromeda* floret, formosa illa, quam divus ille Botanicus pater Linnæus summis fert laudibus: hic *Pinguicula* illa *villosa*, qua nihil modestia potest esse svavius.

§. 57.

Carices, quarum tanta est Lapponiæ copia, variis modis variare, jam supra sparsim Lectores certiores feci, quare idoneum rati sumus, heic nonnullas maximeque notabiles varietates commemorare, quo magis appareat hujus